

Komisija Republike Srpske za prikupljanje informacija o sudbini pukovnika Palića dostavila svoj Izvještaj

OHR je danas primio Izvještaj i Aneks koje je dostavila Komisija Republike Srpske za prikupljanje informacija o sudbini pukovnika Palića (Komisija), kako je to visoki predstavnik od nje zatražio 19. januara 2006. godine. U svojoj konačnoj Odluci od 16. januara 2006. godine Komisija za ljudska prava je utvrdio da organi vlasti Republike Srpske nisu dostavili adekvatne informacije na osnovu kojih bi bilo moguće utvrditi činjenice vezane za nestanak pukovnika Avde Palića nakon pada Žepe.

Izvještaj prezentira detalje o sudbini gospodina Avde Palića i u njemu se tvrdi da sadrži podatke o lokaciji na kojoj se nalaze posmrtni ostaci Avde Palića. Ukoliko se to pokaže tačnim, a ova informacija tek treba biti potvrđena, to bi značilo da se Republika Srpska približila potpunoj implementaciji Odluke Doma za ljudska prava iz 2001. godine. Visoki predstavnik neće dati novi rok za ovaj slučaj. Ekshumacija mora biti organizirana čim to dozvole uslovi na terenu. Visoki predstavnik se nada da će ova informacija dugoročno pružiti bar neku utjehu gospođi Esmi Palić.

Izvještaj Vlade Republike Srpske će sada biti upućen Tužilaštvu Bosne i Hercegovine. OHR neće objaviti ili komentirati sadržaj Izvještaja, s obzirom da se u ovom predmetu trenutno provodi krivična istraga. Sve druge institucije bi na sličan način trebale ispoštovati odvijanje ovog postupka.

Iako se čini da slučaj pukovnika Palića, i kontinuirano

nastojanje da se gospođi Esmi Palić, onemogućiti ostvarivanje njenih prava ulaze u završnu fazu i dalje je prisutna praksa prikrivanja. U Bosni i Hercegovini postoji oko 16 Odluka Doma za ljudska prava u slučajevima vezanim za nestale osobe, koje su organi vlasti u cijeloj državi do sada ignorirali, uključujući i Vladu Federacije BiH koja je ignorirala odluku Doma za ljudska prava u predmetu «Sarajevski Srbi». Uprkos ranijim naznakama da postoji spremnost da se uspostavi mehanizam za otkrivanje istine u ovom predmetu, čini se da se Vlada Federacije BiH sada povlači. To je neprihvatljivo.

Sve Odluke Doma za ljudska prava i Komisije za ljudska prava koje se odnose na nestale osobe moraju se u potpunosti ispoštovati i implementirati, bez obzira na etničku ili vjersku pripadnost žrtava ili njihovih porodica.

Organi vlasti BiH moraju poštovati vladavinu zakona, sudski nalog predstavlja sastavni faktor vladavine prava, a Komisija za ljudska prava je institucija koja u ovoj oblasti ima najveći autoritet u Bosni i Hercegovini.

Otkrivanje sudbine i lokacije na kojima se nalaze nestale osobe dio je Evropske konvencije o ljudskim pravima koji se primjenjuje na svaku osobu u Evropi bez obzira na njenu etničku ili vjersku pripadnost i koji mora biti ispoštovan.

Lekcija koju treba naučiti iz slučaja Palić je da istina mora izaći na vidjelo. Izgleda da je Republika Srpska konačno ostvarila napredak u rješavanju ovog slučaja. OHR se nada da će ovaj napredak potaknuti implementaciju svih drugih odluka Komisije za ljudska prava koje još uvijek nisu provedene. Visoki predstavnik očekuje od svih organa vlasti u BiH da ostvare napredak u ovim pitanjima.